



REPUBLIKA E KOSOVËS REPUBLIKA KOSOVA REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Prijemljen / Predato Received / Delivered	24. 06 2022	2 viti god year
Organ / Njësia Organ / Jednica Org / Unit	SKPM/SHCK	3697/2022
Hi Prot Hi Prot Prot No		
Shtojca Prilog Appendix		
Sasia Kolicina Quantity		1/4



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A. nr. 479/2022

Këshilli i Pavarur Mbiqëqyrës për Shërbimin Civil të Kosovës–Kolegji për shqyrtimin e ankesave i përbërë nga; Eshref Shabani, kryetar, Malsore Gashi – Bajraktari, dhe Jeton Koca, anëtar, si dhe Avdyl Bektashi-Zyrtar i Lartë për Bashkëpunim Profesional, në cilësinë e procesmbajtësit, për shqyrtimin e ankesës me numër A.nr. 479/2022 të datës 25.05.2022 së ankuesit kundër Vendimit me Numër 01-070/01-10770 të datës 28.04.2022 të Komisionit Disiplinor të Komunës së Gjakovës, në çështjen juridike “*kërkesë nga marrëdhënia e punës*”, duke vepruar në pajtim me nenin 6 paragrafin 1.1 nen paragrafin 1.1, nenin 16 dhe nenin 18 paragrafin 1 nen paragrafin 1.7 të Ligjit Nr. 06/L-048 për Këshillin e Pavarur Mbiqëqyrës për Shërbimin Civil të Kosovës, dhe Rregullores Nr. 02/2018 për Rregullat dhe Procedurat e Ankesave në Këshillin e Pavarur Mbiqëqyrës për Shërbimin Civil të Kosovës në seancën për këshillim dhe votim me datë 24.06.2022, mori këtë;

V E N D I M

HEDHET POSHTË si e palejuar ankesa A.nr. 479/2022 e datës 25.05.2022 e parashtruar nga ankuesi

A r s y e t i m

Pas ankesave të disa palëve ndaj Udhëheqëses së Gjendjes Civile në Komunën e Gjakovës, Drejtori i Drejtorisë për Punë të Përgjithshme Administrative, më datë 14.04.2022 ka paraqitur rastin Udhëheqëses së Gjendjes Civile në Komisionin Disiplinor, duke bashkangjitur ankesat e qytetarëve dhe ankuesit.

Komisioni Disiplinor i Komunës së Gjakovës, më datë 28.04.2022 ka nxjerr Vendim me numër 01-070/01-10770, me të cilin ka refuzuar kërkesën e datës 14.04.2022 e Drejtorit të Drejtorisë për Punë të Përgjithshme Administrative, me arsyetimin që nuk është bërë kualifikimi i shkeljes nuk ka gjetur fakte të provueshme që Udhëheqësja e Gjendjes Civile në Komunën e Gjakovës ka bërë shkelje të rënda disiplinore.



Ankuesi me datë 25.05.2022 me numër protokoli 3024/2022 ka parashtruar ankesë në Këshillin e Pavarur Mbikëqyrës për Shërbimin Civil, me pretendimet ankimore kundër Vendimit me Numër 01-070/01-10770 të datës 28.04.2022 të Komisionit Disiplinor të Komunës së Gjakovës.

Këshilli i Pavarur Mbikëqyrës për Shërbimin Civil të Kosovës më datë 31.05.2022 përmes shkresës me numër protokoli 3174/2022 ka proceduar kërkesën për përgjigjen në ankesë të Komuna e Gjakovës. Ndërsa më datë 10.06.2022. Komuna e Gjakovës, ka përcjellë përgjigjen në ankesë se bashku me shkresat e bashkangjitura.

**Kolegji për Shqyrtimin dhe Vendosjen e Ankesave, për vendosje meritore, ka administruar këto prova:** Ankesën e ankuesit të datës 25.05.2022 dhe A.nr.479/2022, të parashtruar në Këshillin e Pavarur Mbikëqyrës për Shërbimin Civil të Kosovës; Vendimi me numër 01-070/01-10770, të datës 28.04.2022, të Komisionit Disiplinor; E- maili i datës 10.05.2022; Ankesë e datës 28.03.2022, drejtuar Drejtorisë për Administratë të Përgjithshëm; Akt emërimi i datës 31.12.2021; Përshkrimi i detyrave të punës; e- maili i datës 13.03.2022; Akt përcjellës i datës 03.02.2022; Ankesa e datës 01.02.2022, drejtuar Drejtorisë së Administratës; Ankesa e datës 25.03.2022, drejtuar Drejtorisë së Administratës; e- maili i datës 27.03.2022; Korrigjimi i aktit të lindjes i datës 13.04.2022; e- maili i datës 10.02.2022; Procesverbali i datës 19.04.2022, i Komisionit Disiplinor; Procesverbali i datës 20.04.2022, i Komisionit Disiplinor; ; Procesverbali i datës 22.04.2022, i Komisionit Disiplinor; Procesverbali i datës 27.04.2022, i Komisionit Disiplinor; Përgjigje në ankesë e datës 10.06.2022, me numër protokoli 3376/2022;

Kolegji për shqyrtimin dhe vendosjen e ankesave, pas shqyrtimit të gjithave shkresave të bashkëngjitura në lëndë, konstatoi se ankesa e ankuesit është e palejuar, sepse:

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kundër Vendimit me numër 01-070/01-10770 të datës 28.04.2022 të Komisionit Disiplinor të Komunës së Gjakovës, pretendon që Komisioni Disiplinor i Komunës së Gjakovës ka vendosur në kundërshtim me legjislacionin në fuqi sepse Udhëheqësja e Gjendjes Civile ka pasur sjelle jo korrekte dhe diskriminuese ndaj meje.

Lidhur me pranueshmërinë e ankesës së ankuesit, Kolegji për shqyrtimin dhe vendosjen e ankesave, ka analizuar dispozitat ligjore në fuqi, duke konstatuar se me nenin 24 paragrafin 3 të Ligjit Nr. 06/L-114 për Zyrtarët Publikë, përcaktohet se: *"Nëpunësi civil ka të drejtë të paraqesë ankesë drejtpërdrejt në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil sipas këtij ligji. E drejta e ankimit në KPMSHC i njihet edhe çdo kandidati në një procedurë pranimi në Shërbimin Civil. Pas shterimit të drejtës së ankimit në KPMSHC, mund të iniciohet konflikt administrativ në gjykatën kompetente për çështjet administrative",* ndërsa se kush konsiderohet palë në procedurën administrative Kolegji i'u referuar nenit 14 të Ligjit Nr. 05/L-031 për Procedurën e Përgjithshme Administrative, i cili përcakton se: *"1. Palë në procedurën administrative mund të jetë çdo person fizik, person juridik apo grup personash me një interes të përbashkët: 1.1. me kërkesë të cilit organi publik ka filluar procedura administrative; 1.2. ndaj të cilit ka filluar procedura administrative apo të cilit rezultati i procedurës administrative mund t'i cenojë të drejtat apo interesat juridike. 2. Palë në procedurën administrative janë, gjithashtu, dhe mbrojtësit e interesave*



publike të autorizuar me ligj të veçantë, si dhe mbrojtësit e interesave kolektive apo të interesave të gjera të publikut, nëse këto interesa mund të cenohen nga rezultati i procedurës administrative". Ndërsa me nenin 124 të Ligjit Nr. 05/L-031 për Procedurën e Përgjithshme Administrative, përcaktohet legjitimimi, shkaqet dhe mjetet juridike administrative, ndërsa paragrafi 1 i këtij neni përcakton që: "Pala ka të drejtë të ushtrojë mjetet juridike administrative ndaj çdo veprimi apo mosveprimi administrativ, nëse pretendon se të drejtat apo interesat e saj juridike cenohen nga ky veprim apo mosveprim. Anëtar i një organi kolegjal, ka gjithashtu të drejtën të ushtrojë mjetet juridike administrative ndaj çdo veprimi apo mosveprimi procedural të organit kolegjal, nëse pretendon se një nga dispozitat e neneve 37-43 të këtij Ligji janë shkelur nga një veprim apo mosveprim i tillë", kështu që Kolegji për shqyrtimin dhe vendosjen e ankesave, në këtë rast vlerëson se ankuesit me Vendimin me Numër 01-070/01-10770 të datës 28.04.2022 të Komisionit Disiplinor të Komunës së Gjakovës nuk i janë cenuar asnjë e drejtë nga marrëdhënia e tij e punës, rrjedhimisht nuk ka legjitimitet për parashtrim të ankesës kundër këtij vendimi.

Bazuar në këtë Kolegji për shqyrtimin dhe vendosjen e ankesave, konstaton se ankesë në Këshillin e Pavarur Mbikëqyrës për Shërbimin Civil të Kosovës, mund të parashtrojnë vetëm nëpunësit civil të cilëve i 'u janë shkelur të drejtat apo interesat e ligjshme, të drejta këto, që burojnë nga marrëdhënia e Shërbimit Civil, kështu që meqenëse ankesa e ankuesit e parashtruar në Këshillin e Pavarur Mbikëqyrës për Shërbimin Civil, të Kosovës nuk i plotëson kushtet për parashtrim të ankesës sipas nenit 124 paragrafi 1, nenit 129 paragrafi 1 nën paragrafi 1.2 të Ligjit Nr.05/L-031 për Procedurën e Përgjithshme Administrative, atëherë e njëjta konsiderohet se është pa pranueshme.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji për Shqyrtimin dhe Vendosjen e Ankesave, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore-Departamenti për Çështje Administrative, Prishtinë brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
LËNDA ME NUMËR A.NR. 479/2022

Avdyl BEKTESHI

  
Procesmbajtës

Eshref SHABANI



Kryetar i Kolegjit

Vendimi i dërgohet:

- Ankuesit
- Kryetarit të Komunës së Gjakovës;
- Udhëheqësit të Burimeve Njerëzore në Komunën e Gjakovës;
- Arkivit të KPMSHCK-së

